

六子書

戊



揚子第一卷

學行篇



天降生民，倥侗顛蒙，恣于情性，聰明不開，訓諸理，誤學行，學行之上，也言之次也。教人又其次也。咸无焉爲衆人，或曰人，羨久生，將以學也。可謂好學已乎。曰未之好也。學不羨天之道，不在仲尼乎。仲尼駕說者，也不在茲儒乎。如將復駕其所說，則莫若使諸儒金口而木舌，或曰學無益也。如質，何曰未之思矣。夫有刀者，礪諸有工者，錯諸不礪，不錯焉。倣用礪而錯諸質在其中矣。不則輟螟蠕之子，殪而逢媿，羸祝之曰

類我類我父則肖之矣速哉七十子之肖仲尼也學以治之思以精之朋友以磨之名譽以崇之不倦以終之可謂好學也已矣孔子習周公者也顏淵習孔子者也羿逢蒙分其弓良捨其策般投其斧而習諸孰曰非也或曰此名也彼名也處一焉而已矣曰川有瀆山有嶽高而且大者衆人所不能踰也或問世言鑄金金可鑄歟曰吾聞覲君子者問鑄人不問鑄金或曰人可鑄歟曰孔子鑄顏淵矣或人馭爾曰百哉問鑄金得鑄人學者所以脩性也視聽言貌思性所有也學則止否則邪師哉師哉桐子之命也務學

不如務求師師者人之模範模不模範不範爲不少矣一闕之市不勝異意焉一卷之書不勝異說焉一闕之市必立之平一卷之書必立之師習乎習以習非之勝是也況習是之勝非乎於戲學者審其是而已矣或曰焉知是而習之曰視日月而知衆星之蔑也仰聖人而知衆說之小也學之爲王者事其已久矣堯舜禹湯文武汲汲仲尼皇皇其已久矣或問進曰水或曰爲其不捨晝夜歟曰有是哉滿而後漸者其水乎或問鴻漸曰非其往不往非其居不居漸猶水乎請問水漸曰止於下而漸於上者其水也哉亦

猶水而已矣吾未見好斧藻其德若斧藻其塗者歟
鳥獸觸其情者也衆人則異乎賢人則異衆人矣聖
人則異賢人矣禮義之作有以矣夫人而不學雖無
憂如禽何學者所以求爲君子也求而不得者有矣
夫未有不求而得之者也晞驥之馬亦驥之乘也晞
顏之人亦顏之徒也或曰顏徒易乎晞之則是曰昔
顏常晞夫子矣正考甫常晞尹吉甫矣公子奚斯常
晞正考甫矣如不欲晞則已矣如欲晞孰禦焉或曰
書與經同而世不尚治之可乎曰可或人啞爾笑曰
須以發策決科曰大人之學爲道也小人之學爲利

也子爲道乎爲利乎或曰耕不穫獵不饗耕獵子曰
耕道而得道獵德而得德是穫饗也吾不觀參辰之
相比也是以君子貴遷善遷善也者聖人之徒歟有
川學海而至于海丘陵學山而不至于山是故惡夫
畫也頻頻之黨甚於鷓斯亦賊夫糧食而已矣朋而
不心面朋也友而不心面友也或謂子之治產不如
丹圭之富曰吾聞先生相與言則以仁與義市井相
與言則以財與利如其富如其義或曰先生生無以
養死無以葬如之何曰以其所以養養之至也以其
所以葬葬之至也或曰猗頓之富以爲孝不亦至乎

顏其饒矣曰彼以其粗顏以其精彼以其回顏以其貞顏其劣乎顏其劣乎或曰使我紆朱懷金其樂不可量也曰紆朱懷金之樂不如顏氏子之樂顏氏子之樂也內紆朱懷金之樂也外或曰請問屢空之內曰顏不孔雖得天下不足以為樂然亦有苦乎曰顏苦孔之卓也或人瞿然曰茲苦也祇其所以為樂也歟曰有教立道無心仲尼有學術業無心顏淵或曰立道仲尼不可為思矣術業顏淵不可為力矣曰未之思也孰禦焉

揚子第一卷終

揚子第二卷

吾子篇

降周迄孔成于王道然後誕章乖離諸子圖徽誤吾子或問吾子少而好賦曰然童子彫蟲篆刻俄而曰壯夫不為也或曰賦可以諷乎曰諷則已不巳吾恐不免於勸也或曰霧縠之組屨曰女工之蠹矣劔客論曰劔可以愛身曰狴犴使人多禮乎或問景差唐勒宋玉枚乘之賦也益乎曰必也淫淫則奈何曰詩人之賦麗以則辭人之賦麗以淫知孔氏之門用賦也則賈誼升堂相如入室矣如其不用何或問蒼繩

紅紫曰明視問鄭衛之似曰聰聽或曰朱曠不世如
之何曰亦精之而已矣或問交五聲十二律也或雅
或鄭何也曰中正則雅多哇則鄭請問本曰黃鍾以
生之中正以平之確乎鄭衛不能入也或口女有色
書亦有色乎曰有女惡華丹之亂窈窕也書惡滌辭
之涵法度也或問屈原智乎曰如玉如瑩爰變丹青
如其智如其智或曰君子尚辭乎曰君子事之爲尚
事勝辭則仇辭勝事則賦事辭稱則經足言足容德
之藻矣或問公孫龍詭辭數萬以爲法法歟曰斷木
爲棊椀革爲鞠亦皆有法焉不合乎先王之法者君

子不法也觀書者壁諸觀山及水升東嶽而知衆山
之崩旋也沉介丘平洋滄海而知江河之惡沲也沉
枯澤乎捨舟航而濟乎瀆者末矣捨五經而濟乎道
者末矣弃常珍而嗜乎異饌者惡覩其識道也山崕
之蹊不可勝由矣向牆之戶不可勝入矣曰惡由入
曰孔氏孔氏者戶也曰子戶乎曰戶哉戶哉吾獨有
不戶者矣或欲學蒼頡史篇曰史乎史乎愈於妄闕
也或曰有人焉自姓孔而字仲尼入其門升其堂伏
其几襲其裳則可謂仲尼乎曰其文是也其質非也
敢問質曰羊質而虎皮見草而說見豺而戰忘其皮

之虎也聖人虎別其文炳也君子豹別其文蔚也辯
人狸別其文萃也狸變則豹豹變則虎好書而不要
諸仲尼書肆也好說而不見諸仲尼說鈴也君子言
也無擇聽也無淫擇則亂淫則辟还正道而稍耶叻
者有矣未有迷邪叻而稍正也孔子之道其較且易
也或曰童而習之白紛如也何其甚較且易曰謂其不
姦姦不詐詐也如姦姦而詐詐雖有耳目焉得而正
諸多聞則守之以約多見則守之以卓寡聞則無約
也寡見則無卓也綠衣三百色如之何矣紵絮三千
寒如之何矣君子之道有四易簡而易用也要而易

守也炳而易見也法而易言也震風凌雨然後知夏
屋之為憐憐也虐政虐世然後知聖人之為郭郭也
古者楊墨塞路孟子辭而闢之廓如也後之塞路者
有矣竊自比於孟子或曰人各是其所是而非其所
非將誰使正之曰萬物紛錯則懸諸天衆言淆亂則
折諸聖或曰惡觀乎聖而折諸曰在則人亡則書其
統一也

脩身篇

事有本真陳施于意動不克咸本諸身誤修身修身
以爲矜矯思以爲矢立義以爲的莫而後發發必中

矣人之性也善惡混脩其善則爲善人脩其惡則爲惡人氣也者所適善惡之馬也歟或曰孔子之事多矣不用則亦勤且憂乎曰聖人樂天知命樂天則不勤知命則不憂或問銘曰銘哉銘哉有意於慎也聖人之辭可爲也使入信之所不可爲也是以君子彊學而力行珍其貨而後市脩其身而後交善其謀而後動成道也君子之所慎言禮書上交不諂下交不驕則可以有爲矣或曰君子自守至其交曰天地交萬物生人道交功勳成奚其守好大而不爲大不大矣好高而不爲高不高矣仰天庭而知天下之居卑

也哉公儀子董仲舒之才之邵也使見善不明用心不剛傳克爾或問仁義禮智信之用曰仁宅也義路也禮服也智燭也信符也處宅由路正服明燭執符君子不動動斯得矣有意哉孟子曰夫有意而不至者有矣未有無意而至者也或問治已曰治已以仲尼或曰治已以仲尼仲尼奚寡也曰率馬以騏不亦可乎或曰田甫田者莠喬喬思遠人者心忉忉曰日有光月有明三年不目日視必盲三年不日月精必矇癸菟曠枯糟萃曠沈穢填索塗冥行而已矣或問何如斯謂之人曰取四重去四輕則可謂之人曰何

謂四重曰重言重行重貌重好言重則有法行重則有德貌重則有威好重則有觀敢問四輕曰言輕則招憂行輕則招辜貌輕則招辱好輕則招淫禮多儀或曰日晏不食肉肉必乾日晏不飲酒酒必酸賓主百拜而酒三行不已華乎曰實無華則野華無實則史華實副則禮山雌之肥其意得乎或曰回之簞瓢臞如之何曰明明在上百官牛羊亦山雌也閭閻在上簞瓢粹茹亦山雌也何其臞千鈞之輕烏獲力也簞瓢之樂顏氏德也或問犁牛之鞮與玄駢之鞮有以異乎曰同然則何以不犁也曰將致孝乎鬼神不

敢以其犁也如刳羊刺豕罷賓犒師惡在犁不犁也有德者好問聖人或曰魯人鮮德奚其好問仲尼也曰魯未能好問仲尼故也如其好問仲尼則魯作東周矣天下有三檢衆人用家檢賢人用國檢聖人用天下檢天下有三門由於情欲入自禽門由於禮義入自人門由於獨智入自聖門或問士何如斯可以禋身曰其爲中也弘深其爲外也肅括則可以禋身矣君子微慎厥德悔吝不至何元愷之有上士之耳訓乎德下士之耳訓乎已言不慙行不取者孔子憚焉

揚子第二卷

問道篇

芒芒大道昔在聖考過則失中不及則不至不可姦
問譏問道或問道曰道也者通也無不通也或曰可
以適作歟曰適堯舜文王者爲正道非堯舜文王者
爲佗道君子正而不佗或問道曰道若塗若川車航
混混不捨晝夜或曰焉得直道而由諸曰塗雖曲而
通諸夏則由諸川雖曲而通諸海則由諸或曰事雖
曲而通諸聖則由諸乎道德仁義禮譬諸身乎夫道
以導之德以得之仁以人之義以宜之禮以體之天

也合則渾離則散一人而兼統四體者其身全乎或問德表曰莫知作上作下請問莫知曰行禮於彼而民得於此奚其知或曰孰若無禮而德曰禮體也人而無禮焉以爲德或問天曰吾於天歟見無爲之爲矣或問彫刻衆形者匪天歟曰以其不彫刻也如物刻而彫之焉得力而給諸老子之言道德吾有取焉耳及捷提仁義絕滅禮學吾無取焉耳吾焉開明哉惟聖人爲可以開明他則於大哉聖人言之至也開之廓然見四海閉之闔然不覩墻之裏聖人之言似於水火或問水火曰水測之而益深窮之而益遠火

用之而彌明宿之而彌壯允治天下不待禮文與五教則吾以黃帝堯舜爲沆贅或曰太上無法而治法非所以爲治也曰鴻荒之世聖人惡之是以法始乎伏犧而成乎堯匪伏匪堯禮義峭峭聖人不取也或問八荒之禮禮也樂也孰是曰殷之以中國或曰孰爲中國曰五政之所加七賦之所養中於天地者爲中國過此而往人也哉聖人之治天下也礙諸以禮樂無則禽異則貉吾見諸子之小禮樂也不見聖人之小禮樂也孰有書不由筆言不由舌吾見天常爲帝王之筆舌也智也者知也夫智用不用益不益則

不贅虧矣深知器械舟車宮室之為則禮由已或問
大聲曰非雷非霆隱隱欲欲久而愈盈尸諸聖或問
道有因無因乎曰可則因否則革或問無為曰奚為
哉在昔虞夏襲堯之爵行堯之道法度彰禮樂著垂
拱而視天民之阜也無為矣紹桀之後纂紂之餘法
度廢禮樂虧安坐而視天民之死無為乎或曰太古
塗民耳目惟其見也聞也見則難蔽聞則難塞曰天
之肇降生民使其目見耳聞是以視之禮聽之樂如
視不禮聽不樂雖有民焉得而塗諸或問新敝曰新
則襲之敝則損益之或問太古德懷不禮懷嬰兒慕

物從焉以禮曰嬰犢乎嬰犢毋懷不父懷毋懷愛
也父懷敬也獨毋而不父未若父母之懿也徂詐之
冢曰徂詐之計不戰而屈人兵堯舜也曰不戰而屈
人兵堯舜也露項漸襟堯舜乎術玉而賈石者其徂
詐乎或問徂詐與亡孰愈曰亡愈或曰子將六師則
誰使曰御得其道則天下徂詐咸作使御失其道則
天下徂詐咸作敵故有天下者審其御而已矣或問
威震諸侯須於征歟徂詐之力也如其亡曰威震諸
侯須於徂詐可也未若威震諸侯而不須徂詐也或
曰無徂詐將何以征乎曰縱不得不征不有司馬法

乎何必徂詐乎申韓之術不仁之至矣若何牛羊之
用人也若牛羊用人則狐狸螻蛄不媵臘也歟或曰
刀不利筆不銛而獨加諸砥不亦可乎曰人砥則秦
尚矣或曰刑名非道邪何自然矣曰何必刑名圍碁
擊劍反自眩刑亦皆自然也由其大者作正道由其
小者作姦道或曰申韓之法非法歟曰法者謂唐虞
成周之法也如申韓如申韓莊周申韓不乖寡聖人
而漸諸篇則顏氏之子閔氏之孫其如台或曰莊周
有取乎曰少欲鄒衍有取乎曰自持至周罔君臣之
義衍無知於天地之間雖隣不覲也 楊子三卷終

楊子第四卷

問神篇

神心惚恍經緯萬方事繫諸道德仁義禮讓問神或
問神曰心請聞之曰潛天而天潛地而地天地神明
而不測者也心之潛也猶將測之況於人乎況於事
倫乎敢問潛心于聖曰昔仲尼潛心於文王矣達之
顏淵亦潛心於仲尼矣未達一間耳神在所潛而已
矣天神天明照知四方天精天粹萬物作類人心其
神矣乎操則存捨則亡能常操而存者其惟聖人乎
聖人存神索至成天下之大順致天下之大利和同

天人之際使之無間者也龍蟠于泥虬其肆矣虬哉
虬哉惡觀龍之志也歟或曰龍必欲飛天乎曰時飛
則飛時潛則潛既飛且潛食不妄形其不可得而制
也歟曰聖人不制則何爲乎妄里曰龍不以制爲龍
聖人以不手爲聖人或曰經可損益歟曰易始八卦
而文王六十四其益可知也詩書禮春秋或因或作
而成於仲尼乎其益可知也故夫道非天然應時而
造者損益可知也或曰易損其一雖蠢知闕焉至書
之不備過半矣而習者不知惜乎書序之不如易也
曰彼數也可數焉故也如書序雖孔子亦未如之何

矣昔之說書者序以百而酒誥之篇俄空焉今亡夫
虞夏之書渾渾爾商書灑灑爾周書噩噩爾下周者
其書誰乎或問聖人之經不可使易知歟曰不可天
俄而可度則其覆物也淺矣地俄而可測則其載物
也薄矣大哉天地之爲萬物郭五經之爲衆說郭或
問聖人之作事不能昭若日月乎何後世之闕闕也
曰瞽曠能默瞽曠不能齊不齊之耳狄牙能喊狄牙
不能齊不齊之口君子之言幽必有驗乎明遠必有
驗乎近大必有驗乎小微必有驗乎著無驗而言謂
妄君子妄乎不妄言不能達其心書不能達其言難

矣哉惟聖人得言之解得書之體白日以照之江河以滌之浩浩乎其莫之禦也面目之辭相適捺中心之所欲通諸人之嘖嘖者莫如言彌綸天下之事記又明遠著古昔之噤噤傳千里之恣恣者莫如書故言心聲也書心畫也聲畫形君子小人見矣聲畫者君子小人之所以動情乎聖人之辭渾渾若川順則便逆則否者其惟川乎或曰仲尼聖者歟何不能居世也魯范蔡之不若曰聖人者范蔡乎若范蔡其如聖何或曰淮南大史公者其多知歟曷其雜也曰雜乎雜人病以多知爲雜惟聖人爲不雜書不經非書

也言不經非言也言書不經多多贅矣或曰述而不作玄何以作曰其事則述其書則作育而不苗者吾家之童烏乎九齡而與我玄文或曰玄何爲曰爲仁義曰孰不爲仁孰不爲義曰勿雜也而已矣或問經之艱易曰存亡或人不論曰其人存則易亡則艱延陵季子之於樂也其庶矣乎如樂弛雖札末如之何矣如周之禮樂庶事之備也每可以爲不難矣如秦之禮樂庶事之不備也每可以爲難矣衣而不裳未知其可也裳而不衣未知其可也衣裳其順矣乎或問文曰訓問武曰克未達曰事得其序之謂訓勝已

之私之謂克爲之而行動之而光者其德乎或曰知德者鮮何其光曰我知爲之不我知亦爲之厥光大矣必我知而爲之光亦小矣或曰君子病沒世而無名蓋勢諸名卿可幾也曰君子德名爲幾梁齊趙楚之君非不富且貴也惡乎成名谷口鄭子真不屈其志而耕乎巖石之下名震于京師豈其卿豈其卿或問人曰難知也曰焉難曰太山之與螳蟥江河之與行潦非難也大聖之與大佞難也嗚呼能參以似者爲無難或問鄒莊有取乎曰德則取愆則否何謂德愆曰言天地人經德也否愆也愆譴字不出諸口卷終

揚子第五卷

問明篇

明哲煌煌旁燭無疆遜于不虞以保天命誤問明或問明曰微或曰微何如其明也曰微而見之明其詳布內乎聰明其至矣乎不聰實無耳也不明實無目也敢問大聰明曰眩眩乎惟天爲聰惟天爲明夫能高其目而下其耳者匪天也夫或問小每知之可謂師乎曰是何師歟是何師歟天下小事爲不少矣每知之是謂師乎師之貴也知大知也小知之師亦賤矣孟子疾過我門而不入我室或曰亦有疾乎曰撫

我華而不食我實或謂仲尼事彌其年蓋天勞諸病矣夫曰天非獨勞仲尼亦自勞也天病乎哉天樂天聖樂聖或問鳥有鳳獸有麟鳥獸皆可鳳麟乎曰羣鳥之於鳳也羣獸之於麟也形性豈羣人之於聖乎或曰甚矣聖道無益於庸也聖讀而庸行盍去諸曰甚矣子之不達也聖讀而庸行猶有聞焉去之阮也阮秦者非斯乎投諸火或問人何尚曰尚智曰多以智殺身者何其尚曰昔臯陶以其智爲帝謨殺身者遠矣箕子以其智爲武王陳洪範殺身者遠矣仲尼聖人也或劣諸子貢子貢辭而精之然後廓如也於

戲觀書者違子貢雖多亦何以爲慎哉成湯丕承也文王淵懿也或問丕承曰由小致大不亦丕乎革夏以天不亦承乎淵懿曰重易六爻不亦淵乎浸以光大不亦懿乎或問命曰命者天之命也非人爲也人爲不爲命請問人爲曰可以存亡可以死生非命也命不可避也或曰顏氏之子冉氏之孫曰以其無避也若立巖墻之下動而徵病行而招死命乎命乎吉人凶其吉凶人吉其凶辰乎辰曷來之遲去之速也君子競諸諱言敗俗諱好敗則姑息敗德君子謹於言慎於好亟於時吾不見震風之能動壘墮也或問

君子在治曰若鳳在亂曰若鳳或人不論曰未之思矣曰治則見亂則隱鴻飛冥冥弋人何慕焉鶴明遶巢食其繫者矣鳳鳥踳踳匪堯之庭亨龍潛升其貞利乎或曰龍何可以貞利而亨曰時未可而潛不亦貞乎可而升不亦利乎潛升在已用之以時不亦亨乎或問活身曰明哲或曰童蒙則活何乃明哲乎曰君子所貴亦越用明保慎其身也如庸行翳路衝衝而活君子不貴也楚雨龔之繁其清矣乎蜀莊沉冥蜀莊之才之珍也不作苟見不洽苟得又幽而不改其操雖隋和何以加諸舉茲以旃不亦寶乎吾珍莊

也居難爲也不慕由即夷矣何龜欲之有或問堯將讓天下於許由由恥有諸曰好大者爲之也顧由無求於世而已矣允哲堯儻舜之重則不輕於由矣好大累克巢父麗耳不亦宜乎靈場之威宜夜矣乎朱鳥翩翩歸其肆矣或曰奚取於朱鳥哉曰時來則來時往則往能來能往者朱鳥之謂歟或問韓非作說難之書而卒死乎說難敢問何反也曰說難蓋其所以死乎曰何也曰君子以禮動以義止合則進否則退確乎不憂其不合也夫說人而憂其不合則亦無所不至矣或曰說之不合非憂耶曰說不由道憂也

由道而不合非憂也或問哲曰旁明厥思問行曰旁
通厥德

寡見篇

假選言周于天地贊于神明幽弘精度絕于適言誤
寡見吾寡見人之好假者也適文之視適言之聽假
則偃焉或曰曷若茲之甚也先王之道滿門曰不得
已也得已則已矣得已而不已者寡哉好盡其心於
聖人之道者君子也人亦有好盡其心矣未必聖人
之道也多聞見而識乎正道者至識也多聞見而識
乎邪道者迷識也如賢人謀之美也詘人而從道如

小人謀之不美也詘道以從人或問五經有辯乎曰
惟五經爲辯說天者莫辯乎易說事者莫辯乎書說
體者莫辯乎禮說志者莫辯乎詩說理者莫辯乎春
秋捨斯辯亦小矣春木之苞兮授我手之鶉兮去之
五百歲其人若存兮或曰詭譎者天下皆訟也奚其
存曰曼是爲也天下之亡聖也久矣呱呱之子各識
其親譎譎之學各習其師精而精之是在其中矣或
曰良玉不彫美言不文何謂也曰玉不彫璵璠不作
器言不文典謨不作經或問司馬子長有言曰五經
不如老子之約也當年不能極其變終身不能究其

業曰若是則周公惑孔子賊古者之學耕且養三年
通一經今之學也非獨爲之華藻也又從而繡其鑿
悅惡在老不老也或曰學者之說可約邪曰可約解
科或曰君子聽聲乎曰君子惟正之聽荒乎淫佛違
乎正沈而樂者君子弗聽也或問侍君子以博乎曰
侍坐則聽言有酒則觀禮焉事博乎或曰不有博弈
者乎曰爲之猶賢於已爾侍君子者賢於已乎君子
不可得而侍也侍君子晦斯光窒斯通亡斯有辱斯
榮敗斯成如之何賢於已也鶴明冲天不在六翮乎
拔而傅尸鳩其累矣夫雷震乎天風薄乎山雲徂乎

方雨流乎淵其事矣乎魏武侯與吳起浮於西河寶
河山之固起曰在德不在固曰美哉言乎使起之兵
每如斯則太公何以加諸或問周寶九鼎寶乎曰器
寶也器寶待人而後寶齊桓晉文已下至於秦兼其
無觀已或曰秦無觀奚其兼曰所謂觀觀德也如觀
兵開闢以來未有秦也或問魯用儒而削何也曰魯
不用儒也昔在姬公用於周而四海皇皇奠枕于京
孔子用於魯齊人章章歸其侵疆魯不用真儒故也
如用真儒無敵於天下安得削浩浩之海濟樓航之
力也航人無楫如航何或曰奔壘之車沉流之航可

乎曰否或曰焉用智曰用智於未奔沈大寒而後索
衣裘不亦晚乎乘國者其如乘航乎航安則人斯安
矣惠以厚下民忘其死忠以衛上君念其賞自後者
人先之自下者人高之誠哉是言也或曰弘羊推利
而國用足盍權諸曰譬諸父子爲人父而推其子縱
利如子何卜式之云不亦匡乎或曰因秦之法清而
行之亦可以致平乎曰譬諸琴瑟鄭衛調俾夔因之
亦不可以致簫韶矣或問處秦之世抱周之書益乎
曰舉世寒貂狐不亦燠乎或曰炎之以火沃之以湯
燠亦燠矣曰燠哉燠哉時亦有寒者矣非其時而望
矣

之亦不可以至矣秦之有司負秦之法度秦之法度
負聖人之法度秦弘違天地之道而天地違秦亦弘

揚子第六卷

五百篇

聖人聰明淵懿繼天測靈冠乎羣倫經諸範誤五百
 或問五百歲而聖人出有諸曰堯舜禹君臣也而並
 文武周公父子也而處湯孔子數百歲而生因往以
 推來雖千一不可知也聖人有以擬天地而參諸身
 乎或問聖人有訕乎曰有曰焉訕乎曰仲尼於南子
 所不欲見也於陽虎所不欲敬也見所不見敬所不
 敬不訕如何或曰衛靈公問陳則何以不訕曰訕身
 將以信道也如訕道而信身雖天下不可為也聖人

揚子卷五

揚子卷五

六

重其道而輕其祿衆人輕其道而重其祿聖人曰於道行歟衆人曰於祿殖歟昔者齊魯有大臣史失其名曰如何其大也曰叔孫通欲制君臣之儀徵先生於齊魯所不能致者二人曰若是則仲尼之開跡諸侯也非邪曰仲尼開跡將以自用也如委已而從人雖有規矩準繩焉得而用之或問孔子之時諸侯有知其聖者歟曰知之曰知之則曷爲不用曰不能曰知聖而不能用也可得聞乎曰用之則宜從之從之則弃其所習逆其所順彊其所劣捐其所能衝衝如也非天下之至德孰能用之或問孔子知其道之不

用也則載而惡乎之曰之後世君子曰賈如是不亦鈍乎曰衆人愈利而後鈍聖人愈鈍而後利關百聖而不慙蔽天地而不恥能言之類莫能加也貴無敵富無倫利孰大焉或曰孔子之道不可小歟曰小則敗聖如何曰若是則何爲去乎曰愛日曰愛日而去何也曰由羣婢之故也不聽政諫而不用雉噫者吾於觀庸邪無爲飽食安坐而感觀也由此觀之夫子之日亦愛矣或曰君子愛日乎曰君子仕則欲行其義居則欲彰其道事不厭教不倦焉得日或問其有繼周者雖百世可知也秦已繼周矣不待夏禮而治

者其不驗乎曰聖人之言天也天安乎繼周者未欲
泰平也如欲泰平也捨之而用佗道亦無由至矣赫
赫乎日出之光羣目之用也渾渾乎聖人之道羣心
之用也或問天地簡易而聖人法之何五經之文離
曰文離蓋其所以爲簡易也已簡已易焉文焉離或
曰聖人無益於庸也曰世人之益者倉廩也取之如
單仲尼神明也小以成小大以成大雖山川丘陵草
木鳥獸裕如也如不用也神明亦末如之何矣或問
聖人占天乎曰占天也若此則史也何異曰史以天
占人聖人以人占天或問星有甘石何如曰在德不

在星德隆則畧星星隆則畧德也或問大人曰無事
於小爲大人請問小曰事非禮義爲小聖人之言遠
如天賢人之言近如地瓏璽其聲者其質玉乎聖人
矢口而成言肆筆而成書言可聞而不可殫書可觀
而不可盡周之人多行秦之人多病行有之也病曼
之也周之士也書秦之士也賤周之上也肆秦之士
也拘月未望則載魄于西既望則終魄于東其遡於
日乎彤弓驢矢不爲有矣聆德前世清視在下鑑莫
近於斯矣或問何如動而見畏曰畏人何如動而見
侮曰侮人夫見畏與見侮無不由已或問禮難以彊

世曰難故疆世如夷俟倨肆羈角之哺果而陷之奚
其疆或性或疆及其名一也見弓之張兮弛而不失
其良兮或曰何謂也曰撒之而已矣川有防器有範
見禮教之至也經營然後知幹楨之克止也莊揚蕩
而不法墨晏儉而廢禮申韓險而無化鄒衍迂而不
信聖人之材天地也次山陵川泉也次鳥獸草木也

先知篇

立政鼓衆動化天下莫尚於中和中和之發在哲民
情誤先知先知其幾於神乎敢問先知曰不知知其
道者其如視忽心眇縣作炳先甲一日易後甲一日難

或問何以治國曰立政曰何以立政曰政之本身也
身立則政立矣或問爲政有幾曰思斁或問思斁曰
昔在周公征于東方四國是王召伯迷職蔽芾甘棠
其思矣夫齊桓公欲徑陳陳不果內執袁濤塗其斁
矣夫嗚呼從政者審其思斁而已矣或問何思何斁
曰老人老孤人孤病者養死者葬男子畝婦人桑之
謂思若汗人老屈人孤病者獨死者逋田畝荒杼軸
空之謂斁爲政日新或人敢問日新日使之利其仁
樂其義厲之以名引之以美使之陶陶然之謂日新
或問民所勤曰民有三勤曰何哉所謂三勤曰政善

而吏惡一勤也吏善而政惡二勤也政吏駢惡三勤也禽獸食人之食土木衣人之帛穀人不足於晝絲人不足於夜之謂惡政聖人文質者也車服以彰之藻色以明之聲音以揚之詩書以光之籩豆不陳玉帛不分琴瑟不鏗鍾鼓不眩吾則無以見聖人矣或曰以往聖人之法治將來譬猶膠柱而調瑟有諸曰有之曰聖君少而庸君多如獨守仲尼之道是漆也曰聖人之法未嘗不關盛衰焉昔者堯有天下舉大綱命禹夏殷周屬其子不膠者卓矣唐虞象刑惟明夏后肉辟三千不膠者卓矣堯親九族協和萬國湯

武桓桓征伐四克由是言之不膠者卓矣禮樂征伐自天子所出春秋之時齊晉實予不膠者卓矣或曰人君不可不學律令曰君子為國張其綱紀謹其教化導之以仁則下不相賊以禮義則下多德讓此君之以正則下不相詐修之以禮義則下多德讓此君子所當學也如有犯法則司獄在或苦亂曰綱紀曰惡在於綱紀曰大作綱小作紀如綱不綱紀不紀雖有羅網惡得一目而正豈或曰齊得夷吾而霸仲尼曰小器請問大器曰大器其猶規矩準繩乎先自治而後治人之謂大器或曰正國何先曰躬工人績或

曰爲政先殺後教曰嗚呼天先秋而後春乎將先春而後秋乎吾見玄駒之步雉之晨雖也化其可以已矣哉民可使覲德不可使覲刑覲德則純覲刑則亂象龍之致雨也難矣哉曰龍乎龍乎或問政核曰真僞真僞則政核如真不真僞不僞則政事不核鼓舞萬物者其雷風乎鼓舞萬民者其號令乎雷不風不再聖人樂天陶成天下之化使人有士君子之器者也故不遁于世不離于羣遁離者是聖人乎雌之不才其卵音段矣君之不才其民野矣或曰載使子草律曰吾不如弘恭草矣曰吾不如陳湯曰何爲曰必

也律不犯奏不劾甄陶天下者其在和乎剛則暴柔則凶龍之潛亢不獲其中矣是以過中則惕不及中則躍其近於中乎聖人之道譬猶日之中矣不及則未過則昃付一天下之正也多則寒寡則暑井田之田田也肉刑之刑刑也田也者與衆田之刑也者與衆弃之法無限則庶人田侯田處侯宅會侯會服侯服人亦多不足矣爲國不迪其法而望其效譬諸算手

揚子第七卷

重黎篇

九

揚子第七卷

重黎篇

仲尼以來國君將相辨士名臣參差不齊一槩諸聖
 誤重黎或問南正重司天北正黎司地今何僚也曰
 近義近和孰重孰黎曰義近重和近黎或問黃帝終
 始曰託也昔者妣氏治水土而巫步多禹扁鵲盧人
 也而醫多盧夫欲讎僞者必假真禹乎盧乎終始乎
 或問渾天曰落下閔營之鮮于安人度之耿中丞象
 之幾幾乎莫之能違也請問蓋天曰蓋哉蓋哉應難
 未幾也或問趙世多神何也曰神怪茫茫若存若亡

聖人曼云或問子胥種蠶孰賢曰胥也俾吳作亂破
楚入郢鞭尸藉館皆不由德謀越諫齊不式不能去
卒眼之種蠶不彊諫而山棲俾其君詘社稷之靈而
童儂又終弊吳賢皆不足邵也至蠶策種而造肥矣
哉或問陳勝吳廣曰亂曰不若是則秦不亡曰亡秦
乎恐秦未亡而先亡矣或問六國並其已久矣一病
一瘳迄始皇三載而威時激地保人事乎曰具請問
事曰孝公以下彊兵力農以蠶食六國事也保曰東
溝大河南阻高山西采土維梁北鹵涇垠便則申否則
蟠保也激曰始皇方斧詒耐相方乃六國方木將相方

激也或問秦伯列爲侯衛卒吞天下而赧曾無以
制乎曰天子制公侯伯子男也庸節節莫差於僭僭
莫僭於祭祭莫重於地地莫重於天則襄文宣靈其
兆也昔者襄公始僭西時以祭白帝文宣靈宗興郵
密上下用事四帝而天正不匡反致文武胙是以四
疆之內各以其力來侵攘肌及骨根獨何以制秦乎
或問嬴政二十六載天下擅秦秦十五載而楚楚五
載而漢五十載之際而天下三擅天邪人邪曰具周
建子弟列名城班五爵流之十一當時雖欲漢得乎
六國蚩蚩爲羸弱姬卒之屏營羸擅其政故天下擅

秦秦失其猷罷侯置守守失其微天下孤睽項氏暴
 彊改宰侯王故天下擅楚擅楚之月有漢紉業山南
 發跡三秦追項山東故天下擅漢天也人曰兼才尚
 權右計左數動謹於時人也天不人不因人不天不
 成或問楚敗垓下方死曰天也諒乎曰漢屈羣策羣
 策屈羣力楚傲羣策而自屈其力屈人者克自屈者
 負天曷故焉或問秦楚既為天與命矣秦繼霸上楚
 分江西興廢何速也曰天昨光德而隕明忒昔在有
 熊高陽高辛唐虞三代咸有顯德故天昨之為神明
 主且著在天庭是生民之願也厥饗國久長若秦楚

彊閱震撲胎

當作胎胎徒切

三正播其虐於黎苗子弟

且欲喪之況於民乎況於鬼神乎廢未速也或問仲

尼大聖則天曷不胙曰無土然則舜禹有土乎曰舜

以堯作土禹以舜作土或問聖人表裏曰威儀文辭

表也德行忠信裏也或問義帝初矯劉龕南陽項救

河北二方分崩一離一合設秦得人如何曰人無為

秦也喪其靈又矣韓信黥布皆劔立南面稱孤卒窮

時戮無乃勿乎或曰勿則無名如何曰名者謂令名

也忠不終而躬逆焉攸令或問淳于越曰伎曲請問
 曰始皇方虎捩而鼻磔噬士猶腊肉也越與亢眉終

無撓辭可謂伎矣仕無妄之國會無妄之粟分無妄
 之橈自令之間而不違可謂曲矣或問茅焦歷井幹
 之死使始皇奉虛左之乘蔡生案漢書云韓生欲安項咸陽
 不能移又亨之其者未辯歟曰生捨其木侯當作而
 謂人木侯亨不亦宜乎焦逆討而順守之雖辯劉虎
 牙矣或問其羅之悟呂不韋張辟彊之覺乎勃皆以
 十二齡茂良乎曰才也茂良不必父祖或問酈食其
 說陳留下教倉說齊罷歷下軍何辯也韓信襲齊以
 身脂鼎何訥也曰夫辯也者自辯也如辯人幾矣或
 問蒯通抵韓信不能下又狂之曰方遭信閉如其抵

曰戲可抵乎曰賢者可禮小人司戲況拊鍵乎或問
 李斯盡忠胡亥極刑忠乎曰斯以留客至作相用狂
 人之言從浮大海立翅高之邪說廢沙丘之正阿意
 督責焉用忠霍曰始元之初擁少帝之微摧燕上官
 之鋒處興廢之分堂坐乎忠難矣哉至顯不終矣或
 問馮唐面文帝得廉頗李牧不能用也諒乎曰彼將
 有激也親屈帝尊以信亞夫之軍至頗牧曷不用哉
 德曰罪不孥宮不女館不新陵不墳或問交曰仁問
 餘耳曰光初竇灌曰凶終或問信曰不食其言請人
 曰晉荀息趙程嬰公孫杵臼秦大夫鑿穆公之側問

義曰事得其宜之謂義或問季布忍焉可爲曰能者
爲之明哲不爲也或曰當布之急雖明哲如之何曰
明哲不終項仕如終焉倣避或問賢曰爲人所不能
請人曰顏淵黔婁四暗韋玄成問長者曰藺相如伸
秦而屈廉頗欒布之不塗朱家之不德直不疑之不
校韓安國之通使或問臣之自得曰石大僕之對金
將軍之謹張衛將軍之善慎邴大夫之不伐善請問
臣之自失曰李貳師之執二田析連之濫帥韓馮翊
之怨蕭趙京兆之犯魏或問持滿曰捉敵於楊王
孫僕葬以矯世曰矯世以禮僕乎如矯世則葛溝尚

矣或問周官曰立事左氏曰品藻大史遷曰實錄

揚子第八卷

淵騫篇

仲尼之後迄于漢道德行顏閔股肱蕭曹爰及名將
尊卑之條稱述品藻誤淵騫或問淵騫之徒惡乎在
曰在寢或曰淵騫曷不寢曰攀龍鱗附鳳翼翼以揚
之勃勃乎其不可及乎如其寢如其寢七十子之於
仲尼也日聞所不聞見所不見文章亦不足爲矣君
子絕德小人絕力或問絕德曰舜以孝禹以功皐陶
以謨非絕德邪力秦悼武烏獲任鄙扛鼎抃牛非絕
力邪或問勇曰軻也曰何軻也曰軻也者謂孟軻也

若荆軻君子盜諸請問孟軻之勇曰勇於義而果於德不以貧富貴賤死生動其心於勇也其庶乎魯仲連字古蕩而不制古制藺相如制而不傷或問鄒陽曰未信而分疑恍辭免置婦鍾幾矣哉或問信陵平原孟嘗春申益乎曰上失其政姦臣竊國命何其益乎樗里子之智也使知國如知葬則吾以疾為著龜周之順赧以成周而西傾秦之惠文昭襄以西山而東并孰愈曰周也羊秦也狼然則狼愈歟曰羊狼一也或問蒙恬忠而被誅忠奚可為也曰慙山堙谷起臨洮擊遼水力不足而屍有餘忠不足相也或問呂

不韋其智矣乎以人口勿貨曰誰謂不韋智者歟以國易宗呂不韋之盜穿窬之雄乎穿窬也者吾見擔石矣未見雒陽也秦將白起不仁奚用為也長平之戰四十萬人死蚩尤之亂不過於此矣原野厭人之肉川谷流人之血將不仁奚用為翦曰始皇方獵六國而翦牙欸或問要離非義者歟不以家辭國曰離也火妻灰子以及於慶忌實蛛螫音積之靡也焉可謂之義也政也為嚴氏犯韓刺相俠累曼面為姊實壯士之靡也焉可謂之義也軻也為丹奉於期之首燕督亢之圖入不測之秦實刺客之靡也焉可謂之義也

或問儀秦學乎鬼谷術而習乎縱橫言安中國者各
 十餘年是夫曰詐人也聖人惡諸曰孔子讀而儀秦
 行何如也曰甚矣鳳鳴而鷲翰也曰然則子貢不為
 歟曰亂而不解子貢恥諸說而不富貴儀秦恥諸或
 曰儀秦其才矣乎跡不蹈已曰昔在任人帝曰難之
 亦才矣才乎才非吾徒之才也美行東園公綺里季夏
 黃公角里先生言辭畫敬陸賈執正王陵申屠嘉折
 節周昌汲黯守儒袁固申公災異董相夏侯勝京房
 或問蕭曹曰蕭也規曹也隨滕灌樊鄴曰俠介叔孫
 通曰槩人也袁盎曰中不足而談有餘晁錯曰愚

吏曰虎哉虎哉角而翼者也貨殖曰蚊曰血國三千
 使將踈飲水揭博沒齒然也或問循吏曰吏也游俠
 曰竊國靈也佞幸曰不料而已或問近世社稷之臣
 曰若張子房之智陳平之無悞絳侯勃之果霍將軍
 之勇終之以禮樂則可謂社稷之臣矣或問公孫弘
 董仲舒孰適曰仲舒欲為而不可得弘容而已矣或
 問近世名卿曰若張廷尉之平雋京兆之見尹扶風
 之絜王子貢之介斯名卿矣將曰若條侯之守長平
 冠軍之征伐搏陸之持重可謂名將矣請問古曰鼓
 之以道德征之以仁義輿尸血刃皆所不為也張騫

蘇武之奉使也執節沒身不屈王命雖古之庸使其猶劣諸世稱東方生之盛也言不純師行不純表其流風遺書幾如也或曰隱者也曰昔之隱者吾聞其語矣又聞其行矣或曰隱道多端曰固也聖言聖行不逢其時聖人隱也賢言賢行不逢其時賢者隱也談言談行不逢其時談者隱也昔者箕子之漆其身也狂接輿之被其髮也欲去而恐懼害者也箕子之洪範接輿之歎鳳也哉或問東方生名過實者何也曰應諧不窮正諫穢德應諧似優不窮似哲正諫似直穢德似隱請問名曰詛達惡比曰非夷齊而是柳

下惠戒其子以尚容者陽為拙柱下為工飽食安坐以仕易農依隱玩世詭時不逢其滑稽之雄乎或問柳下惠非朝隱者歟曰君子謂之不恭古者高餓顯下祿隱安譽仁之賊也安毀義之賊也賊仁近鄉原賊義近鄉訕或問子蜀人也請人田有李仲元者人也其為人也柰何曰不屈其意不累其身曰是夷惠之徒歟曰不夷不惠可否之間也如是則奚名之不彰也曰無仲尼則西山之餓夫與東國之絀臣惡乎聞曰王陽貢禹遇仲尼乎曰明星皓皓華藻之力也歟曰若是則奚為不自高曰皓皓者已也引而高之

者天也子欲自高邪仲元世之師也見其貌者肅如也聞其言者愀如也觀其行者穆如也但聞以德詘人矣未聞以德詘於人也仲元畏人也或曰育貴曰育貴也人畏其力而侮其德請條曰非正不視非正不聽非正不言非正不行夫能正其視聽言行者皆吾先師之所畏也如視不視聽不聽言不言行不行雖有育貴其猶侮諸

揚子第八卷終

揚子卷第九

君子篇

君子純終領聞蠢迪檢押旁開聖則誤君子或問君子言則成文動則成德何以也曰以其弼中而彪外也般之揮斤羿之激矢君子不言言必有中也不行必有稱也或問君子之柔剛曰君子於仁也柔於義也剛或問航不漿衝不齧有諸曰有之或曰大器固不周於小乎曰斯械也君子不械或問孟子知言之要知德之奧曰非苟知之亦允蹈之或曰子小諸子孟子非諸子乎曰諸子者以其知異於孔子者也

孟子異乎不異或曰荀卿非數家之書倪作括切也也
至于子思孟軻詭哉曰吾於荀卿歟見同門而異戶
也惟聖人爲不異牛玄駢白睥驩而角其升諸廟乎
是以君子全德或問君子似玉曰純淪溫潤柔而堅
玩雅而廉隊乎其不可形也或問仲尼之術周而不
泰大而不小用之猶牛鼠也曰仲尼之道猶四瀆也
經營中國終入大海它人之道者西北之流也綱紀
夷貉或入于沱或淪于漢淮南說之用不如太史公
之用也太史公聖人將有取焉淮南鮮取焉爾必也
儒乎乍出乍入淮南也文麗用寡長卿也多愛不忍

子長也仲尼多愛愛義也子長多愛愛奇也或曰甚
矣傳書之不果也曰不果則不果矣人以巫鼓或問
聖人之言炳若丹青有諸曰吁是何言歟丹青初則
炳久則淪淪乎哉或曰聖人之道若天天則有常矣
奚聖人之多變也曰聖人固多變子游子復得其書
矣未得其所以書也宰我子貢得其言矣未得其所
以言也顏淵閔子得其行矣未得其所以行也聖人
之書言行天也天其少變乎或曰聖人自恣歟何言
之多端也曰子未覩禹之行水歟一東一北行之無
礙也君子之行獨無礙乎如何直往也水避礙則通

於海君子避礙則通於理君子好人之好而忘己之
 好小人好己之好而忘人之好或曰子於天下則誰
 與曰與夫進者乎或曰貪夫位也慕夫祿也何其與
 曰此貪也非進也夫進也者進於道慕於德殷之以
 仁義進而進退而退日孳孳而不知勸者也或曰進
 進則聞命矣請問退進曰昔乎顏淵以退為進天下
 鮮儷焉或曰若此則何小於必退也曰必進易儷也
 必退易儷也進以禮退以義難儷也或曰人有齊死
 生同貧富等貴賤何如曰作此者其有懼乎信死生
 齊貧富同貴賤等則吾以聖人為鬻鬻通天地人曰

儒通天地而不通人曰伎人必先作然後人名之先
 求然後人與之人必其自愛也然後人愛諸人必其
 自敬也然後敬諸自愛仁之至也自敬禮之至也未
 有不自愛敬而人愛敬之者也或問龍龜鴻鵠不亦
 壽乎曰壽曰人可壽乎曰物以其性人以其仁或問
 人言仙者有諸乎曰吁吾聞伏犧神農歿黃帝堯舜
 殂落而死文王畢孔子魯城之比獨子愛其死乎非
 人之所及也仙亦無益子之彙矣或曰聖人不師仙
 厥術異也聖人之於天下恥一物之不知仙人之於
 天下恥一日之不生曰生乎生乎名生而實死也或

曰世無仙則焉得期語曰語乎者非囂囂也歟惟囂
囂能使無爲有或問仙之實曰無以爲也有與無非
問也問也者忠孝之問也忠臣孝子俛乎不俛或問
壽可益乎曰德曰回牛之行德矣曷壽之不益也曰
德故尔如回之殘牛之賊也焉得尔曰殘賊或壽曰
彼妄也君子不妄有生者必有死有始者必有終自
然之道也君子忠人况已乎小人欺已况人乎

楊子第九卷終

楊子第十卷

孝至篇

孝莫大於寧親寧親莫大於寧神寧神莫大於四表
之歡心誤孝至孝至矣一言而該聖人不加焉父姓
子之天地歟無天何生無地何形天地裕於萬物萬
物裕於天地裕父母之裕不裕矣事父母自知不足
者其舜乎不可得而父者事親之謂也孝子愛日孝
子有祭乎有齋乎夫能存亡形屬荒絕者惟齋乎故
孝子之於齋見父母之存也是以祭不賓人而不祭
豺獾乎或曰死生盡禮可謂能子乎曰石奮石建父

子之美也無是父無是子無是子無是父或曰必也
兩平曰與堯無子舜無父不如堯父舜子也子有含
菽溫絮而致滋美其親將以求孝也人曰僞如之何
曰假儒衣書服而讀之三月不歸孰曰非儒也或曰
何以處僞曰有人則作之無人則輟之之謂僞觀人
者審其作輟而已矣不爲名之名其至矣爲名之名
其次也或問忠言嘉謨曰言合稷契之謂忠謨合臯
陶之謂嘉或曰邵如之何曰亦勗之而已庠則秦儀
鞅斯亦忠嘉矣堯舜之道皇兮夏殷周之道將兮而
以延其光兮或曰何謂也曰堯舜以其讓夏以其功

殷周以其伐或曰食如蠶衣如華朱輪駟馬金朱煌
煌無已泰乎曰由其德舜禹受天下不爲泰不由其
德五兩之綸半通之銅亦泰矣天下之通道五所以
行之者一曰勉或曰力有扛洪鼎揭華旗智德亦有
之乎曰百人矣德諧頑嚚讓萬國知情天地形不測
百人乎或問君曰明光問臣曰若提敢問何謂也曰
君子在上則明而光其下在下則順而安其上或曰
聖人事異乎曰聖人德之爲事異亞之故常修德者
本也見異而修德者末也本末不修而存者末之有
也天地之得斯民也斯民之得一人也一人之得心

矣吾聞諸傳老則戒之在得年彌高而德彌邵者是
 孔子之徒歟或問德有始而無終與有終而無始也
 孰寧曰寧先病而後瘳乎寧先瘳而後病乎或問大
 曰小問遠曰邇未達曰天下為大治之在道不亦小
 乎四海為遠治之在心不亦邇乎或問俊哲洪秀曰
 知哲聖人之謂俊秀穎德行之謂洪君子動則擬諸
 事事則擬諸禮或問羣言之長羣行之宗曰羣言之
 長德言也羣行之宗德行也或問泰和曰其在唐虞
 成周乎觀書及詩溫溫乎其和可知也周康之時頌
 聲作乎下關雎作乎上習治也齊桓之時緼而春秋

美邵陵習亂也故習治則傷始亂也習亂則好始治
 也漢德其可謂允懷矣黃支之南大夏之西東觀北
 女來貢其珍漢德其可謂允懷矣世鮮焉芒芒聖德
 遠人咸慕上也武義璜璜兵征四方次也宗夷猾夏
 蠢迪王人屈國喪師無次也麟之儀儀鳳之師師其
 至矣乎螭虎桓桓鷹隼暴未至也或曰訥訥北
 夷被我純績帶我金犀珍膳寧鋤不亦享乎曰昔在
 高文武實為兵主今稽首來臣稱為北藩是為宗廟
 之神社稷之靈也可不享乎龍堆以西大漠以北鳥
 夷獸夷郡勞王師漢家不為也朱崖之絕捐之之力

也否則介鱗易我衣裳君人者務在殷民阜財明道
信義致帝者之用成天地之化使粒食之民粲也晏
也享于鬼神不亦饗乎天道勞功或問勞功曰日一
日勞考載曰功或曰君逸臣勞何天之勞曰於事則
逸於道則勞周公以來未有漢公之懿也勤勞則過
於阿衡漢興二百一十載而中天其庶矣乎辟靡以
本之校學以教之禮樂以容之輿服以表之復其并
刑勉人役庶矣夫

楊子第十卷終

